

Дулан хаша белдхмн

УБУШАЕВ С. У.

Яшкульск района, 108-гч совхозин
ах хөөч.

Эртәр хөд хургълуллгъиг
диилвртәгъәр кехин төләд ик
эртәс авн, көгнь тәвгдх нәәд-
нр хөөдин болн хуцмудин
чинәгъинь ясх кергтә. Чинәнъ
тату хөөдин төлнь чигн му
болна, дакад эццн хөд олар
хусрна.

Мана бригадин нәәднр хөд
искусственн көгд сән чинәтә-
гъәр орцхав. Хуцмуд бас сән
чинәтә билә. Дакад эднд гуйр-
буудя өггдәд, сән асрмдж
кегдджәв. Эн учрар мана
отарт эртәр искусственн көг
тәвлгън му бишәр кегдв.

Ниднин джил дулан хаша
күртджәсн уга билә. Эн джи-
лд дулан хойр хаша кегдсн
бәәнә. Малин сән чинртә хот,
дулан хаша-хаац, дакад мана
шунлтта сән көдлмщ--цуг эн
тоот, 1959 джилд 100 хөн
болгънас 120 хургъ, хөн бол-
гънас 7 килограмм ноос кир-
гъдж авх эв-аргъ өгчәнә. Би-
дн эн даалгъвран күцхин төлә
чидлән, медрлән, эв-аргъан
әрвллго көдлнәвдн.